



UNIVERSITÄTS-
BIBLIOTHEK
PADERBORN

**Institutionum Juris Canonici Sive Primorum totius Sacrae
Jurisprudentiae Elementorum. Libri Quatuor**

Febeo, Francesco Antonio

Coloniæ Agrippinæ, 1704

VD18 13560743-001

Tit. V. De Episcoporum confirmatione, & consecratione

[urn:nbn:de:hbz:466:1-63052](#)

cato 58.de elect. Quod idem pariter servandum est,cum processum est per formam compromis- si , juxta textum expressum in cap. sicut 21. eod. in 6.

12. Hactenus dicta , quemadmodum & di- cenda , procedunt circa electionem Prælato- rum inferiorum : non enim omnia locum ha- bent in electione Summi Pontificis, pro qua ali- qua specialia statuta sunt, quæ videri possunt in c. *Licet 6. de elect. c. ubi periculum 3. eod. in 6. aliis que constitutionibus relatis in Cærimonie di con- tinente ritus electionis Romani Pontificis edito jus- su Gregorii Papæ XV. ac præsertim in duplice con- stit. ejusdem Gregor. XV. quarum una incipit* *Æterni Patris, & altera Decet Romanum Ponti- ficem.*

T I T. V.

De Episcoporum Confirmatione, & Consecratione.

1. Electionem capitulariter factam sequitur Confirmation , quæ à Superiore petenda est, hoc est de Jure recentiori à Summo Ponti- fice , cui quemadmodum in reliquis regionibus reservata est omnium Ecclesiarum Cathedra- lium provisio ; ita & pro iis locis ubi adhuc elec- tio fit per suffragia Capitularium , reservata est confirmatio factæ electionis, ut supra dictum est in tit. 3 n. 11.

2. Ea



2. Ea confirmatio de jure antiquiori statuto in c. Quam fit 6. de elect. in 6. intra tres menses à die qua electus consensit electioni suæ , si nullum impedimentum obfisteret , peti debebat vel ab ipso electo , vel saltem ab electoribus , aut à Procuratore electi , ut explicat Gloss. in cit. cap. quam fit , v. petore , ubi etiam afferit sat tis fuisse , si amicus electi , quamvis fine ejus mandato , ejus nomine peteret , & electus ipse eam petitionem ratam haberet intra tempus illorum trium mensium , quia ratificationem retrotrahi , & mandato non est dubium comparari cap. 10. de reg. Jur. in 6. Quod si nihil horum intra tale tempus factum esset , electio penitus irritabatur. At de Jure recentiori , cum aliquorum locorum vicinitas minus temporis exigat , & aliorum distantia plus exposcat ; decretum fuit à Nicolao III. in c. Cupientes 16. de elect. in 6. ut electus , cuius confirmatio ad Romanum Pontificem pertinet , intra unum mensem à die consensus præstigi suæ electioni , ad Apostolicam Sedem iter arripiat , & quo citius commode potest , attenta locorum distantia , cum omnibus actis , juribus , & munimentis suis & processus suos contingentibus , coram Rom. Pontifice se sistat confirmationem petiturus. Qui tamen immediate à Summo Pontifice in Episcopos sunt creati absque ulla prævia Capituli electione , aut designatione &c. nulla alia confirmatione

tione opus habent , quia ea Episcopatus collatio vim habet electionis , institutionis , & confirmationis . ut post Panor. notat *Azor. instit. mor. part. 2. lib. 3. cap. 29. q. 6.*

3. Impetratae confirmationis effectus est , ut electus acquirat jus in re , & perfectum quasi dominium in Prælatura , fiatque ratum spirituale conjugium inter ipsum , & Ecclesiam , quod prius per electionem erat tantummodo initiatum , ut dicitur in *c. fin. de translatione Episcopi*. Sine litteris tamen Sedis Apostolicæ de sua promotione , & confirmatione testantibus ad suam Ecclesiam accedere prohibetur , bonorumque Ecclesiasticorum administracionem accipere , sub gravibus poenit expressis in *extrav. i. de elect. inter commun.* adjecta insuper omnibus prohibitione , ne ipsum absque talium litterarum ostensione recipient , aut ei pareant vel intendant.

4. Sed neque acceptis ejusmodi litteris , & ostensis potest eo ipso quidquid est potestatis Episcopalis ab electo , & confirmato administrari : non enim potest ante consecrationem exercere ea quæ sunt Ordinis , puta fideles confirmare , clericos ordinare , sacrum chrisma confidere , virgines , templa , altaria , vestes consecrare ; sed solum ea quæ sunt Jurisdictionis , qualia sunt excommunicare , suspendere , interdicere , corrigere , punire , visitare , Synodum

dum congregare , beneficia conferre , causas audire , & cognoscere , leges ferre , aliaque similia , quæ consecrationis ministerium non desiderant , juxta textum in c. Transmissam 15. de elect.

5. Ut igitur quis pleno jure suscepti Episcopatus fruatur , consecratur necesse est , per quod consumatur spirituale conjugium inter ipsum , & Ecclesiam , quod prius per electionem , & confirmationem erat tantummodo initiatum & ratum , excit. c. fin. de translat. Episc. Debet autem ea consecratio fieri intra tres mensēs , nisi fortè inexcusabilis necessitas coegerit Ordinationis tempus amplius prorogari , ut ex Conc. Calcedon. decernitur in c. Quoniam 2. dist. 75. & recentius à Trid. sess. 23. de refor. cap. 2. ubi insuper in pœnam adjicitur , ut si electus , & confirmatus munus consecrationis intra illud tempus non susceperit ; ad fructuum perceptorum restitutionem teneatur , & si intra totidem menses postea id facere neglexerit , sit ipso jure privatus Ecclesia , quod statutum ibidem extenditur etiam ad S. R. E. Cardinales.

6. Huic consecrationi tres Episcopi interesse debent de Jure ab Apostolis constituto ex cap. Porro 2. dist. 66. ubi Anacletus Papa asserit Jacobum Apostolum fuisse ordinatum in Hierosolymitanum Antistitem à Petro , Jacobo , & Joanne Apostolis formam dantibus successoribus

lais.

suis, ut minus quam à tribus Episcopis nullatus Episcopus ordinetur. Ex Apostolica quoque traditione dimanavit, quod ea consecratio non nisi die Dominico perficiatur, ut testatur S. Leo Papa i. in cap. *Quod die Dominicos*. dist. 75. Tribus igitur Episcopis die Dominico congregatis, hora tertia Divinum Sacrificium fieri debet, & scrutinio seu examine præmisso, prout præscribitur in cap. *Qui Episcopus* 3. dist. 23. celebrari preces, ex cap. *Ordinationes Episcoporum* 1. dist. 75. Inde ad ordinationem proceditur, in qua debent duo Episcopi manus imponere, & tenere Evangeliorum codicem super caput, & verticem Ordinandi, & uno super eum fundente benedictionem, reliqui omnes Episcopi, qui adsunt, manibus suis caput ejus tangere, ex cap. *Episcopus* 8. dist. 23. proferendo illa verba: *Accipe Spiritum sanctum, &c.*

7. Debet etiam Consecrator caput, & manus ordinati sacro chrismate inungere, ut per unctionem in capite indicetur spiritualis animæ unctionis balsamo charitatis, per quam Episcopus diligat Deum ex tota anima, & proximum sicut se ipsum; per unctionem autem in manibus spiritualis unctionis oleo pietatis, per quam Episcopus operetur bonum ad omnes, maximè ante ad domesticos fidei, ex c. unico de sacr. unctione, ubi etiam forma narratur à consecrator.



Tit. V. de Episc. confir. & consecr. 71

tore inungente proferenda. His peractis Episcopus consecratus Rom. Ecclesiæ, ejusque Pontificibus fidelitatis juramentum præstare debet, juxta formulam præscriptam in c. Ego 4. *de Ju-*
rejur.

8. Effectus peractæ consecrationis, ex supradictis, est quod Episcopus possit in posterum non solum ea, quæ sunt Jurisdictionis sed & ea, quæ sunt Ordinis. Si quæ autem inferiora beneficia antecedenter habebat, elapsò tempore de consecrandis Episcopis à sacris Cænonibus definito, & adepta Ecclesiasticorum bonorum administratione, ipso jure vacant, ex c. Cum in cunctis 7. §. Cum vero de elect.

T I T. VI.

De Authoritate, & usu Pallii.

1. QUod tamen dictum est, per consecrationem concedi Episcopo potestatem ad omnia suæ Dignitatis officia, limitationem patitur in Archiepiscopis, & Patriarchis, in quibus illud est peculiare ut plenitudinem Officii Sui non assequatur, nisi Pallium receperint à Summo Pontifice ex c. nisi specialis 3. de author. & usu Pallii, unde eo nondum accepto, non possunt convocare Concilium, conferre Chrisma, dedicare Basilicas, Ordinare Clericos, Episcopos consecrare; ex c. Quod sicut 28. §. super eo. de elect. & juxta doctrinam Ostiensis in

Sum-

